

(ciep banj 4)

Gietdinghgauj doiq laebcaez aen diji ceihleix hungzgvanh ginghei guh’ ok baijbouh. Daezok laebndei aen diji guekgya canloz gveihva caeuq aen gihci doengbuenz hezdiuz cwngcwz; gyoebgyonj doihaeuj gaijgwz aen diji caizsui, lai hawj deihfueg gag dawz cienz yungh cienz, haigvangq goekgvaeh deihfueg, hableix gyadaih aen gvaengx yungh mbawcaiq cienhangh cwngfuj deihfueg, habdangq gyaak gij saehgienz cunghyangh, daezsang aen beijlaeh cunghyangh caizcwng ceiok; laebndei gij dinghvihi ginhyungz gihgou caeuq guhndei ceihleix, laebcaez gij goengnaengz swbwnj hawciengz douzsw hcaeuq yungzsw doxha haenx, laebndei aen diji gamguenj ginhyungz.

Gietdinghgauj doiq laebndei gij diji gihci hawsingz lajmbanj yungzhab hwnghfat guh’ ok baijbouh. Daezok laebcaez aen diji gihci doicaenh gij cwngzcinvai yienghmoq; gyamaenh caeuq laebndei aen ginghyingz cidu giekbonj lajmbanj; laebcaez aen cidu haeujoengh guh’ ak nungzyez youh hawj bouxguhnaz ndaej leih bienq fouq; gyaalaeg gaijgwz aen cidu diegdeih.

Gietdinghgauj doiq laebndei aen diji gihci doiq rog hailangh suijbingz sang guh’ ok baijbouh. Daezok onjbouh gyadaih hailangh hawj cidu doiqciep gozci; gyaalaeg gaijgwz aen diji vaimou; gyaalaeg gaijgwz aen diji guenjieix canghseng’ ei q guekrog douzsw hcaeuq doiq rog douzsw h; gaijndei gij baijbouh ranghdieng hailangh; laebndei aen gihci doicaenh caetliengh sang bae caezlaeb “it rangh it loh”.

Daihngaih, yawjnaek cau hlaeb gij diji gihci haeujoengh cienzmienh cau hmoq. Gietdinghgauj gyoebgyonj doengzcaemh gaijgwz gij diji gihci yiengh vunzcaiz gyauyuz gohgi, daegbied daezok aeu gyaalaeg gyonjhab gaijgwz gyauyuz, gyaalaeg gaijgwz aen diji gohgi, gyaalaeg gaijgwz gij diji gihci gunnganq vunzcaiz, hawj daengx aen diji cau hmoq guekgya lai ndaej cingdaej langh rengz.

Cimdoi q baenzlawz gaijgwz gij diji gyauyuz, daezok faenloih doihaeuj gauhyau gaijgwz, laebhwnj gij gihci ndalaeb diuzcingi yozgoh caeuq gij vunqsik gunnganq vunzcaiz youz gohgi hwnghfat, guekgya canloz aeuyungh dazyinx, lai gvaq bingzciengz bae baijbouh gij yozgoh ciennieb gaenjungh; laebndei aen gihci gauhyau cau hmoq gohgi, hawj cwngzgoj engq vaiq engq lai ndaej baenzjungh.

Cimdoi q baenzlawz gaijgwz gij diji gohgi, daezok lai roengzrengz gyaak gij rengzlig yiengh gohgi hawjrengz daengxbuenz guekgya, engq ndei bae dinghvihi caeuq ndabaij doengh aen gihgou guh gohyenz guekgya, doengh aen dayoz ak guh yenzgiu suijbingz sang, doengh aen giyez gohgi lingxdaeuz, gaijndei gij hongsaeh guenjieix gohgi giva, dawznaek daj yawj bae gya, ndaej yinxlingx bae baijbouh aen lingjyiz gihcu yenzgiu, aen lingjyiz camca lingxdaeuz, aen lingjyiz cundengj; lai gyarengz coengh giyez baenz gij cawjdaej guh gohgi cau hmoq, laebhwnj aen gihci gunnganq guhhung aen giyez gohgi lingxdaeuz; cinjhawj doengh gij swyez danhvei guh gohyenz beij itbuen swyez danhvei engq lingzvued guenjieix, damqra gij yiengh ciuq giyez bae guenj; gyaalaeg gaijgwz gij yienghsaeh hawj gienz boux guh gohgi gaemmiz roxnaeuz sawjungh gij gohgi cwngzgoj mwh dangsaeh guh’ ok.

Cimdoi q baenzlawz gaijgwz gij diji gihci gunnganq vunzcaiz, daezok gyavaiq ganqok gij vunzcaiz guekgya canloz aeuyungh, hawj gak loih vunzcaiz suciz engq ndei bae; laebndei aen gihci ra’ ndaej, genjaeu, gunnganq gij vunzcaiz cau hmoq

bouxcoz, engq ndei baujcan gij dakdaih gyoengq bouxcoz guh gohgi; gyarengz guh gij gihci gikleih vunzcaiz, dawzdingh hawj gienz aen cawjdaej yungh vunz, hawj vunzcaiz soengcag; laeb caezcienz aen gihci baujcan haeujoengh yinxhaeuj vunzcaiz rog guek.

Daihsam, yawjnaek cienzmienh gaijgwz. Gietdinghgauj ciuq aen gvaengxgyaq dungjcouz doi-caenh aen cundaej baijbouh “haj yiengh gap baenz aen”, boiqhab doicaenh aen canloz baijbouh “seiq aen cienzmienh”, bae maeuzveh caiq cienzmienh gyaalaeg gaijgwz, naemj daengxbuenz baijbouh bae gaijgwz ginghei diji caeuq gaijgwz gak aen lingjyiz wng.

Cimdoi q baenzlawz gaijgwz aen lingjyiz minzcuj caeuq fapceih, faenbied doiq laebcaez aen cidu diji yiengh yinzminz minzcuj ronzoeng goekbyai, laebndei aen diji fapceih yiengh sevei cuji miz gij daegsaek Cungguek guh’ ok baijbouh. Daezok gyarengz laebguh aen cidu yinzminz danggya guhcawj; laebcaez gij gihci yiengh minzcuj doxyaeng; laebcaez gij cidu gihcwngz minzcuj; laebndei aen gvaengxgyaq guh hong daih dungjan. Daezok gyarengz cimdoi q aen lingjyiz cundengj, aen lingjyiz ngamq hwng, aen lingjyiz nangq daengz guekrog laebfap; laebcaez gij diji gihci genhcaz gihgvanh, gungh’ anh gihgvanh, genjcaz gihgvanh, saemjbuenq gihgvanh, swbfaz hingzcwng gihgvanh gag dawz faenhong bonjfaenh, gienzgamcaz, gienz-damqcaz, gienzgenjcaz, gienzsaemjbuenq, gienz-caephengz dox boiqhab, dox hanhhaed; laebndei aen gihci doihaeuj hwnqguh aenbiengz fapceih.

Cimdoi q baenzlawz gaijgwz vwnzva diji, dawznaek doicaenh gij yendaiva yiengh Cungguek dwg yiengh yendaiva vuzciz vwnzmingz caeuq cingsaenz vwnzmingz doxha, daezok doidoengh gij hongsaeh son’ gyauq lijsiengj saenqniemh baenz cidu baenz ciengzseiz guh, gaijndei aen gihci cau hmoq gaiq hong gunnganq vwnzmingz, saedguh vwnzmingz, cau hlaeb vwnzmingz; gaijndei aen gihci gunghawj yiengh fugsah vwnzva caeuq gij canjbini vwnzva, laebhwnj aen gihci cigsoh soengq vwnzva swhyenz ndei daengz gihcwngz; laebcaez aen diji gyoebhab ceihleix vangloz; doicaenh dauqlaeb aen gapgyaq doiq rogguek cienzboq, cau hlaeb aen diji doiq rogguek cienzboq engq riuz engq ndei.

Cimdoi q baenzlawz laebcaez aen cidu diji baujcan caeuq gaijndei gwndaenj beksingq, daezok laebndei aen cidu faenboiq souhaeuj, gveihfan aen bouhloh faenboiq souhaeuj; gaijndei aen vanzging laeb gij cwngcwz aeu cau hnieb coicaenh couhnieb, haeujoengh caeuq gveihfan bae hwnghfat gij yiengh couhnieb moq; laebcaez gij sebauj cidu boux gag ragwn, nungzminzgungh, boux guh gij yiengh couhnieb moq, cienzbouh siubae cundengj hanhhaed baengh huciz youq dieg couhnieb camgya baujjiemj; daezok gyavaiq laebhwnj yiengh vunqsik moq hwnghfat fangzdicanj, cundengj hawj gij cwngfuj gak aen hawsingz miz gienz gag guhcawj bae diuzgung aen hawciengz fangzdicanj; daezok gyaalaeg gaijgwz aen diji yihoz veiswng, saedhengz aen canloz hwnghfat gij saehnieb ndangcangq baiz youq gonq; daezok laebcaez aen diji haeujoengh caeuq fugsah vunzgyaeu demlai, laebndei aen cwngcwz diji haeujoengh senglw g caeuq aen gihci gikleih senglw, laebndei gij cwngcwz gihci hwnghfat saehnieb ciengxlaux caeuq canjnieb ciengxlaux, ciuq aen yenzcwz gagnyienh, ndaej bienq, onjdangq miz bouhloh bae doicaenh yiengh gaijgwz cugciemh doilaeng aen bisoq duiyouh fapdingh.

Cimdoi q baenzlawz gaijgwz aen diji swnghdai

vwnzmingz, daezok laebndei aen diji giekdae swnghdai vwnzmingz, laebcaez aen diji ceihleix swnghdai vanzging, laebcaez gij gihci loegsaek danqnoix bae hwnghfat; daezok aen cidu guenjieix swnghdai vanzging dwg faen ranghdieng, miz cengca, dawzcini guenjhanh haenx, laebcaez aen gihci giz gap giz doxbouj baujhoh swnghdai, saedhengz gij cwngcwz caizsui, ginhyungz, douzsw h, gyagwz caeuq gij diji biucini haeujoengh yiengh hwnghfat loegsaek danqnoix, gyavaiq gviveh hwnqguh aen diji nwngzienz yienghmoq.

Daihseiq, yawjnaek dungjcouz hwnghfat caeuq ancienz. Guekgya ancienz dwg aen giekdae youggaenj hawj gij yendaiva yiengh Cungguek byaij onj byaij gya. Gietdinghgauj cuengq yiengh saeh henhoh guekgya ancienz youq gizdieg engqgya youggaenj, hopheux doicaenh aen diji caeuq gij naengzlig guekgya ancienz habngamj yienhdaih aeuyungh, daezok cau hlaeb aen diji fuengzhen guekgya ancienz gapfwngz guh gig mizyau haenx, doicaenh gohgi coenghregz gyamaenh guekgya ancienz; laebcaez aen diji baujcan cawqceq gij goenggungh saehgienh fwtfat; laebhwnj aen cidu gamguenj yinzgungh cinwngz ancienz; damqra laebhwnj aen cidu guenjieix vunzgyaeu daengx guek caezcaemh haenx; laebndei aen diji cingdaej fuengzhaed cianh ndawbiengz, ciuqfap yiemzfad gak yiengh famhfap famhcoih cundengj fanjyingj haenqrem haenx. Daezok laebhwnj laebcaez aen gihci gapguh gaiq hong bauj gij ancienz seiqhenz guek raeuz; laebcaez aen gihci fanj cei hcaiz, fanj capfwngz, fanj “iet gen daeuj guenj”; laebcaez aen gihci fuengzre gaemhanh fungyiemj mouyiz, laebndei gij diji faplwd fapgvi caeuq gij diji saedhengz fapceih nangqdaengz guekrog, gyaalaeg caeuq guekwnq doxgap caepfap dawzfap. Hopheux laebdaeb gyaalaeg gaijgwz gozfangz caeuq bingdoi h, daezok laebndei aen diji gihci lingjdauj guenjieix bingdoi h yinzminz, gyaalaeg gaijgwz aen diji lienzhab hoenxcienq, gyaalaeg yiengh gaijgwz hamj bingdoi h caeuq deihfueg.

Daihaj, yawjnaek gyaak aen Dangj lingjdauj gaijgwz. Aen Dangj lingjdauj dwg daj goekgaen bae baujcingq raeuz ndaej caiq cienzmienh gyaalaeg gaijgwz, doihaeuj gij yendaiva yiengh Cungguek. Gietdinghgauj daezok laebndei aen gihci doeksaed gij gezcwz baijbouh hungnaek Dangj cunghyangh; gyaalaeg gaijgwz aen cidu guenj yinzsw ganbu, doekdingh laebhwnj aen dazyengq cingqdeng genj vunz yungh vunz, roengzrengz genjok boux ganbu cwngci dingj ndaej gaujniemh, gamj bae dawz rap, naebsim gaijgwz, cingzcik ok lai, goengcingq cinghseuq de, roengzrengz gaijgez gij vwndiz ganbu luenh guh saeh, mbouj guh saeh, mbouj gamj guh saeh, mbouj rox guh saeh; laebhwnj caeuq hengzguh yiengh cwngcizgvanh cingqdeng, aeu guhdaengz “sam yiengh faen okdaeuj”, gikoi ganbu hailoh baenaj, guhsah cau hnieb; gyaak gij cwngci gunghnwnz caeuq cujci gunghnwnz dangjcuji; laebcaez gij cidu gihci fuengzceih hingzsiz cuji, gvanhliuz cuji, laebcaez aen gihci caez caz caez ceih gij saeh mbouj cingq caeuq nduknaeuh, lai miz banhfap ndei bae fuengzceih yiengh nduknaeuh moq caeuq yiengh nduknaeuh ndumjndaw.

Maqmuengh gak boux dungzci laegdaeux roxyiuj gij cingsaenz Dangj cunghyangh, gaenjdaet hopheux aen cawjdaez cienzhoi h bae yaenglwnh, daezok gij yigen caeuq genyi coihgaij miz yungh de, doengzcaez hai ndei baez cienzhoi h neix, coihgaij ndei faenh gietdinghgauj neix.